

於潛鄉土地理大綱初稿上篇

一 形勢

於潛，位置浙江省之西北，處北緯三十度與三十一度之間。東界臨安，新登；南界分水；西界昌化；北界孝豐暨安徽省之甯國。東西狹而南北長；邊境自東之橫塘至西之蘆嶺，計程六十華里，（實則不及六十華里，如太陽至蘆嶺名爲十里，實僅五里許，有「天下近，太陽到蘆嶺」之諺。）自北之千秋關至南之印渚埠，計程一百華里。地勢北高而南低，故衆流皆匯注於南鄉。北多厚土，故森林茂盛；而東西南三鄉，地較平曠，故從事於農桑者居多。全縣面積，約六千六百六十平方里，合二，一二三·〇四公方里。（又據民政

廳二十一年統計載本縣面積爲三，七〇二公方里）

千 秋 關 之 雄 姿



軍抗戰。民國十二年秋，江浙之戰，盧永祥亦派大軍扼守。

險要之地，爲距縣北五十里之千秋關。千秋關，實浙江省西北之屏藩；豪千關次之。（豪千關照舊誌均列入本縣境內，惟照今之縣境，僅至關南茅坦之龍王殿爲止；而關則屬孝豐。傳在洪楊之役，被孝豐佔去，未知確否，誌之待考。）千秋關，於國民革命軍民國十五年北伐時，孫傳芳於是年冬，曾派大軍經此過縣至金衢等處與國民革命

五代時，楊氏道此襲衣錦軍。（地名，在臨安縣北，唐昭宗升錢鏐所居營爲衣錦軍。）錢武肅王（錢鏐）擒李濤於此。（唐宋黃巢作亂，錢鏐率兵破走之；劉漢宏反，復率八都兵破越州；董昌反，又執之。今邑人有云錢率八都兵一都兵破越州，乃係招募其時本縣八都子弟編練而成，實屬無稽。所謂八都兵，乃其時曹師雄寇兩浙，杭州募諸縣鄉兵各千人以討之。臨安董昌與錢塘劉孟安，阮結，富陽聞人宇，鹽官徐，及新城杜稜，餘杭凌文舉，臨平曹信合等爲郡將，號八都兵。所謂一都兵，乃臨安募集之鄉兵編成一都也。惟其時邑人有吳敬忠者，曾從錢鏐討劉有功云。）清洪楊之役，邑集鄉勇，又曾於此堅築炮台，以資防禦，戰以衆寡懸殊，旋即被破；因地處要衝，故是役被殺者，極爲慘衆！